

## **Pol da Kolosi Amin do Papia Mandagit**

*But piso gen*

Kolosi unun kokup pap kinda Esia Provinskon tosook. Unun Epesas kokup pap da kapmatjok tosook. Pol da iyi unun panmuwukbi dima panalon agit, amin di da panalon awit.

Pol unun amin di da Kolosi amin dakon nandan gadatni panupbal ak do an unun dakon geni nandagit. Do nandan gadatni panteban ak do papia on mandagit. Yan yoyisak, Kristo unun yo morap dakon busunji. (Gagi 1.15-20 ae 2.9-15 unudon koki.) Kristo kalon dagin nin yokwikon ban tagi timitjak, ae kosit njwaknjari kindakon da nin aripmi dima panpulugogi. Unun Kristo da dubagikon panjikdan. Kristo obakon da Pinjkop da yo morap wasagit, ae Kristo da pi agit do anek Pinjkop da yo morap yokwikon ban timitdisak. Kristo ninon egakwan nin minjat aminyo kalugi daganek Kristo dakon anpak yolek aman.

Pol da papia on mandan amin bamot do yoban papia anan Kolosi kigimal. Unun Tikikus gat ae Onesimus gat. (Gagi 4.7,9 unudon koki.) Pol da Pilimon do papia mandagit unjungwan Onesimus do morapmi yosok.

*Kristo unun yo morap dakon busunji. Ae Pinjkop dakon egip egip ae anpak morap kisi unudon tuganji da tonj*

*(Kilapmi 1.1-3.4)*

<sup>1</sup> Nak Pol, Yesu Kristo dakon yabekbi kinda. Piŋkop da iyi da galak togon yabekbi pi aben do nak manjigit. Nak gat ae notnin Timoti gat nit da

<sup>2</sup> Piŋkop dakon telagi miŋat aminyo kokup pap Kolosi ekwan ji do papia on mandamak. Ji Kristo yol kimagek nit dakon padik padik ae saminit kabi ekwan. Nin Piŋkop Datnin da nandan yawok daminek butji panyawot aban yaworisi tosak do bisit aman.

*Kolosi amin da Yesu nandan gadan imin kimakgwit*

<sup>3</sup> Nit ji do bisit amak bisap morapmon Piŋkop, Amin Taginin Yesu Kristo dakon Datni, ya yan iyamak.

<sup>4</sup> Nido, nit da ji dakon gen nandagimak, unun yan: ji Yesu Kristo nandan gadan imin kimagek Piŋkop dakon miŋat aminyo but dasi galak tan yoman.

<sup>5</sup> Ji yan an nido Piŋkop da ji do yo tagisi Kwen Kokupmon panoman agit da ton unun timitdaman yansi nandan, do nandan gadat anek amin do but dasi galak tan yoman. Gen Bin Tagisi dakon gen bami nandawit bisapmon yo Kwen Kokupmon ton yan ji kili nandawit.

<sup>6</sup> On Gen Bin Tagisi jikon obinek miktimi miktimi kisi kigit. Yan anek madepsi paptan iren tanek miŋat amin morapmon anpak tagisi panalon an yomisak. Ae Gen Bin Tagisi si abidawit gildaron da wasanek yan gin agit. Unun gildaron Piŋkop da asi amin do nandan yawot an yomisak unun nandaba pisagit.

<sup>7</sup> Asi Epapras da Gen Bin Tagisi on dayiŋ dekgit. Epapras uŋun Kristo dakon oman amin tagisi kinda, ae uŋun nin dakon pi isalnin, nin but dasi galak taŋ imamaŋ. Uŋun da nit paŋpulugaŋek Kristo dakon pi jikon tosok uŋun kilani tagisi asak.

<sup>8</sup> Uŋun da Telagi Wup da ji paŋtagap aban amin do but dasi galak taŋ yomaŋ uŋun do niyigit.

*Pinƙop da Kolosi amin paŋteban asak do Pol da bisit agit*

<sup>9</sup> Yaŋdo, nit ji dakon gen nandagiŋmaŋ bisapmon uŋun gildaron gin wasaŋek Pinƙop da ji paŋpulugosak do bisit yipmaŋ deri mini amak. Bisit amak uŋun Telagi Wup da nandak nandak kilegi gat ae nandaŋ kokwin mibili mibili tagi gat damaŋakwan ni aŋpak ani do Pinƙop iyi nandisak uŋun nandaba pisosak.

<sup>10</sup> Ji da Amin Tagi dakon miŋat aminyo da aŋpak ani do nandisak uŋun ani do bisit amak. Ae pi tagisi morap ani uŋun bami tagisi tokdaŋ. Aŋek Pinƙop do morapmi sigin pakyaŋsi nandaba pisokdaŋ.

<sup>11</sup> Ae bisit yaŋyo kisi amak: Ji Pinƙop da tapmim mibili mibili damjak, aŋakwan uŋun dakon tapmimni tagisikon ji tebai agek but yaworon da jigi tagi guramitni. Ae kisik kisik

<sup>12</sup> aŋek Pinƙop Dat ya yaŋ iyini. Uŋun da ji paŋpulugaŋban yo ji do Kwen Kokup manjikbi da toŋ uŋun kisin da timik timik akdamaŋ. Asi Pinƙop dakon miŋat aminyo nin Pinƙop da tenŋenikon ekwamaŋ uŋun yo abidokdamaŋ.

<sup>13</sup> Piŋkop da nin pilin tuk da kisiron ban pulugan nipmanjek monji Yesu unun but dasi galak tan imisak unun da kila asak da kagagwan nipgut.

<sup>14</sup> Piŋkop dakon Monji da nin yuman nan nipmanjek diwarinin wiririk nimgut.

*Kristo unun Piŋkop da yo morap wasagit dakon busunji egisak*

<sup>15</sup> Kristo amin da kawit, unun Piŋkop, dabil da aripmi dima kokogi unun dakon wupmisi. Kristo unun Piŋkop da yo morap wasagit dakon busunji egisak.

<sup>16</sup> Kristo da iyi yo morap wasagit. Miktimon yo pindakgaman unun gat ae Kwen Kokup yo dima pindakgaman unun gat kisi wasagit. Ae kila amin madep gat ae anelo madep gat ae wup tapmimi ton gat ae yo kila ani do yandagok anjyobi mibili mibili gat kisi wasagit. Asi, Piŋkop da yo morap Yesu da kisiron da wasagit, ae yo morap unun iyi dakon.

<sup>17</sup> Yo morap dima noman tanakwa Kristo kili egipgut. Ae yo morap iyi da kisiron da kila anakwan kosirikon ton.

<sup>18</sup> Kristo unun panmuwukbi minjat aminyo dakon busunji egakwan panmuwukbi unun giptimni. Iyi panmuwukbi dakon egip egip dakon mibili. Unun amin kili kimakgwit da binapmon da mibiltan pidagit do iyi yo morap dakon busunji aripmi tagi egipjak.

<sup>19</sup> Nido, Piŋkop da iyi dakon egip egip morap kisi ae tapmim morapni kisi Monji unudon tosak do tagisi nandagit.

---

**1:13:** Lk 22.53; Ep 2.2      **1:14:** Ep 1.7      **1:15:** Jn 1.18; 2Ko 4.4

**1:17:** Jn 1.1; 8.58      **1:18:** Ya 26.23; Ep 1.22-23; PA 1.5      **1:19:** Kol

<sup>20</sup> Piŋkop da miŋtim gat ae Kwen Kokup gat dakon yo morap kisi unun gat but kalon ani do nandagit. Kristo dakon yawi tilak kindapmon tagalgit unun kosiron da but kalon noman tosak do nandagit.

<sup>21</sup> Ji kalip Piŋkop da dubagikon egek uwalsi an imgwit. Nido, nandak nandakji da uwal an iminek ji anpak yokwisi awit.

<sup>22</sup> Mani, Kristo unun tilak kindapmon kili kimakgit, yan aban Piŋkop da ji panpuluganban iyi gat but kalon awit. Unun iyikon panap do anek yan agit. Ae iyi da dabilon gulusunni mini telagi ae gwaljigi mini egipni do yan agit.

<sup>23</sup> Ji nandan gadatji tebaisi abidanek tebai atni kan, yan gin noman tan damdan. Ji yum pindagakwa yo kinda da nandak nandakji ilikba, Gen Bin Tagisi nandanek nandan gadat tebaisi anek jomjom agak dakon anpak abidawit unun di yipman dekbam. Nak Pol, Gen Bin Tagisi unun yan tenjenok aben dakon oman amin dagoko minjat aminyo morap mibili mibili miŋtimon ekwan unun yan tenjenok an yomguman.

### *Pol da Kolosi amin panpulugagit*

<sup>24</sup> Abisok nak ji panpulugok do giptimnokon tepmi pak do tagisi nandisat. Nak panmuwukbi panpulugok do nandisat, unun Kristo dakon giptimni. Kristo panmuwukbi panpulugok do tepmi pagit unun aban dima dagagit. Giptimnokon tepmi pasat unun Kristo da tepmi pagit unun aripmi ak do nandak nandak asat.

<sup>25</sup> Nak paŋmuwukbi morap ji dakon oman amin daganek egisat, nido Piŋkop da iyi nak ji Israel amin kabikon nani dima unjudon gen morapni yaŋ teŋteŋoken do nak manjigit.

<sup>26</sup> Kalipsigwan bisapmi bisapmi Piŋkop da miŋat amin morap kabi kisikon gen on si ankisibigit. Mani abisok Piŋkop da gen unjun anjalon aban iyi dakon miŋat aminyo nin da kili nandaman.

<sup>27</sup> Asi, Piŋkop da miŋat amin kabini nin noliŋban yaŋsi nandaman, gen pasili unjun wagil tagisisi, ae unjun da Israel amin kabi gat ae Amin Nwakŋwari Kabikon nani nin kisi tagisi paŋpulugosak yaŋsi nandaman. Gen pasili unjun yaŋ: Kristo unjun ji gat egisak. Ae unjun da ji timik paŋgwan unjun gat Kwen Kokup egipni do ji unjun do jomjom anek ekwan.

<sup>28</sup> Yabekbi nin Kristo dakon Gen Bin Tagisi miŋat amin morap kabi kisikon yaŋ teŋteŋoman. Nin nandak nandak tagisisi unjun baŋ miŋat amin morap yoyiŋ dekgaman, ae Piŋkop dakon gen morap pakyaŋsi kaŋ kimagek yolni do yoyaman. Nido nin Yesu yolyol amin tebaisi daganba Piŋkopmon paŋkineŋ do nandaman.

<sup>29</sup> Yaŋsi noman toni do nandanek nak tapmim morapno taŋ naminakwa pi tebaisi asat. Kristo da iyi unjun tapmim paŋalon naminakwan pi unjun asat.

## 2

### *Nandan gadat tebai anek top gen pabiŋ yopneŋ*

<sup>1</sup> Nak Pol da on nandani do nandisat: Nak ji gat ae Laodisia miŋat aminyo gat ae miŋat amin morap diwari gat kisi da nak dakon inam dima

---

**1:25:** Ep 3.2,7-8  
Pil 4.13

**1:26:** Ro 16.25-26; Ep 3.5,9

**1:29:** Ep 3.7,20;

kawit amin nak ji kisi panpulugok do pi madepsi asat.

<sup>2</sup> Pi madepsi asat, nido ji dakon but panṭeban abo tebai tosak do nandisat, anek but dasi galak taṅ yomyom anpak tagisi tanakwan kabi kalonṅ ani. Pi madepsi anapbo unun da ji dakon nandan gadat panṭeban anakwan Pinṅkop dakon gen pasili unun dakon mibili tagi nandaba pisorak. Kristo unun gen pasili unun dakon mibili.

<sup>3</sup> Nandan kokwin tagisi morap gat ae nandak nandak tagisi morap gat unun yo tagisi yuman nogi wukwisi yombem da Kristokon pasili tonṅ.

<sup>4</sup> Nak gen on yosot, nido amin di da top dayinṅek pangalak ani yan do dima galak tosat.

<sup>5</sup> Asi, nak ji gat kisi dima ekwamanṅ, mani nandak nandaknokon da ji gat egisat. Ji da but kalonṅ anek Kristo tebai nandan gadan imanṅ, unun do anek but galaksi nandisat.

<sup>6</sup> Ji Yesu Kristokon gadanṅek yipba Amin Tagisi egipgut, do unun da anpagon sigin egipni.

<sup>7</sup> Ji kindap geli yopba pigakwa miktimon tebai akganṅ, ae yut da gwak tebai da kwenon tebai akganṅ unun da aripmon tebai atni. Anek Gen Bin Tagisi amin da dayinṅ dekgwit unun tebaisi nandan gadanṅ kimotni. Anek bisapmi bisapmi Pinṅkop ya yan iyinṅ kimotni.

<sup>8</sup> Ji kanṅ kimotni. Amin kinda da top gen kinda dayinṅban nandak nandakni di yolbam. Unuden amin babakni gat ae wup yokwi kundu ae miktimyō kila anṅ dakon nandak nandak ban

timikgan. Unun Kristo dakon nandak nandak dima yolgan.

<sup>9</sup> Ji disi nandan, Kristo amin nin yombem daganek Pin kop dakon egip egipni tugan ingut.

<sup>10</sup> Ae Kristo kalonon gin egip egip bami jikon tugagit. Unun kila amin mibili mibili miktimon ae kwen binap ekwan kisi dakon Amin Tagini egisak.

<sup>11</sup> Ji Kristo gat gadawit anek Kristo da pi agit do anek but kalip kili yopman mudawit. But kalip yopyop dakon anpak unun giptim mandak dakon anpak yombem, mani unun giptim dakon dima. Kristo da yo unun butjikon agit.

<sup>12</sup> Ji telagi pakbi sowit bisapmon, Pin kop da ji gat ae Kristo gat kisi kimakbi tamogwan wayikgit. Ae Pin kop Kristo kimoron nan aban pidagit unun dakon tapmim madepni do nandan gadan, do telagi pakbi sowit unun kimoron ban paban pidawit yan asak.

<sup>13</sup> Kalip ji yokwi mibili mibili awit, anek but kalip dakon anpak yolba unun da dikban kimakgwit. Mani abisok Pin kop da panpuluganban Kristo gat kisi egip egip ekwan. Anakwa Pin kop da diwarinin kisisi wiririk ningut.

<sup>14</sup> Nin gulusun morapmi agiman, do Pin kop dakon gen teban mandabi da ton unun da gen yan nimek obisi pabin nipgut. Mani, Pin kop da Yesu tilak kindapmon kimakgit bisapmon papia tam unun abidan tilak kindapmon anakgit. Yan anek gen teban mandabi unun kisi morap aban pasilakwan gen wagil kimakgit.



15 Yanj anek konj tapmimi tonj dakon busunji morap gat, ae konj tapmimi tonj diwari gat dakon tapmim pabinj yopgut. Anek Kristo da tilak kindapmon pi agit do anek, Pinjkop da pabinj yopban minjat aminyo da dabilon yo isali awit.

*Nin Kristo gat kisi kili kimakgimanj, do gen teban morap da nin aripmi dima parjapulugogi*

16 Yando, amin kinda da gen yanj daminek jap pakbiyo dakon gen teban dima yolganj, bo telagi bisap madep do bilagi bilagi dima yolganj, bo ae kanek kalugi dakon bisap dima yolganj, bo ae Sabat bisap yo kisi dima yolganj, unjun morap do yum pindagakwa amin da gen di yanj dabam.

17 Unjun yo bami noman tokdisak dakon wupmi gin. Yo bamisi unjun Kristo.

18 Yanj do anek amin kinda yo dipminon pindakgit unjun do dayinek ji anelo gawak yomni do dayinban kanj yum kanakwa dima pabinj depjak. Unjuden amin but kalip dakon anpak yolek iyi do nandak nandak amin yanj nandanj.

19 Unjun amin Kristo busunjin yipmanek unjun da kagikon ekwanj. Busunjin unjun da giptimni kisi upmokdok, anek giptim dakon sanbek morap sanbenakwan gadanek tagi tonj. Anakwan giptim unjun Pinjkop da tapmimon tagan madep tosok.

20 Ji Kristo gat kili kimakgwit, yanj anek on miktim dakon nandak nandak yokwi kili yipmanj dekgwit. Do ji nido abisok miktim amin da aripmon akwanj? Ji nido on miktim dakon gen teban unjuden yolganj?

<sup>21</sup> “Ji yo dɪma tɪmɪtɪni, ji yo dɪma noni, kisitgokon yo dɪma paŋkutnoki. Ji yaŋ ani kaŋ, Piŋkop da dabɪlon jimjimji toŋ.”

<sup>22</sup> Gen teban uŋun jap isali amin da don naŋ mudon uŋun do yoŋ. Amin daŋin gen teban uŋun yopmaŋek uŋun baŋ dayiŋ dekaŋ.

<sup>23</sup> Asi, amin diwari gen teban uŋuden yolek nin Piŋkop bamisi gawak imanaŋ yaŋ nandaŋ, mani dimasi. Ae iyi do nandaba piŋakwa giptimni paŋupbal aŋek Piŋkop da uŋun do tagisi nandaŋ nimisak yaŋ nandaŋ. Uŋun gen teban yolek nandak nandak tagisi baŋ yolgamaŋ yaŋ nandaŋ, mani dimasi. Uŋun gen teban morap da nin paŋpulugaŋba but kalip dakon aŋpak aripmi dima pabiŋ yopneŋ.

### 3

#### *Nin Kristo gat kisi kimoron da kili pidagimaŋ*

<sup>1</sup> Ji Piŋkop da egip egip kalugi damgut aŋek Kristo gat kisi kimoron baŋ paban pidawit. Uŋun do aŋek ji Kwen Kokup dakon yo timit do nandak nandak ani. Uŋun kokupmon Kristo uŋun Piŋkop da amin tet do kila amin madep yityit tamonikon yikdak.

<sup>2</sup> Ji Kwen Kokup dakon yo dogin nandaŋek miktim dakon yo do dɪma nandani.

<sup>3</sup> Nido ji amin kili kimakgwit yombem. Ji Piŋkopmon gadaŋek egip egipji bamisi uŋun Kristokon pasili tosok.

<sup>4</sup> Kristo egip egipnin dakon mibili don altaŋ noman tosok bisapmon jiyo kisi uŋun gat Piŋkop da teŋteŋi madepmon altaŋ noman tokdaŋ.

## **Kristo unun nin da butgwan egek unun da aban nin miṅat aminyo kalugi dagagiṃan**

*(Kilapmi 3.5-4.18)*

*Nin miṅat aminyo kalugi agiṃan*

<sup>5</sup> Yanḡo, ji miḡtim dakon anpak morap butjikon ton unun dapba kimak mudoni. Nak anpak oden do yosot: yumabi anpak mibili mibili, ae yo yokwi ak do but kindap, ae yo morapmi timit do nandaba kik. Unun yo morapmi timit do nandak nandak unun da ji kokup kidat gawak yomaṅ yaṅ asak.

<sup>6</sup> Piṅkop da miṅat aminyo anpak unuden anek geni dima guramiḡgaṅ unun tomni yokwisi yomdisak.

<sup>7</sup> Jiyo kisi kalip Piṅkop dakon gen dima guramiḡgwit bisapmon anpak unuden awit.

<sup>8</sup> Mani abisok anpak unuden wiririk mudoni. Ji butjap dima nandani, ae amin do nandaba yokwi tok dima ani, ae amin do yaṅba yokwi tok dima ani, anek gen dima yogogi dima yoni.

<sup>9</sup> Paṅmuwukbi notji top gen dima yoyini. Nido, but kalip gat anpakni gat kili yopgwit.

<sup>10</sup> Anek ji kili amin kalugi dagawit. Asi, Piṅkop da iyi ji paṅkaluk anek nandak nandak tagisi damiṅakwan amin kalugi dagaṅek iyi yombemsi ekwan.

<sup>11</sup> Do egip egip kalugi unudon, ji kisi arip gin. Amin Nwakṅwari Kabi bo Juda amin, unun yo isali. Bo ae giptim mandabi bo dima mandabi, unun yo isali. Bo ae dubagikon amin geni ṅwakṅwari yon

---

**3:5:** Ro 6.6,11; Ep 4.19; 5.3-6      **3:8:** Ep 4.25-29; 5.4      **3:9:** Ep 4.22,25      **3:10:** Ep 4.24      **3:11:** Gal 3.28

ae anpakni n̄wakn̄wari an̄ un̄un yo kisi yo isali. Bo ae oman amin bo oman amin d̄ima, un̄un yo isali. Yo madep un̄un Kristo nin kisin dakon wukwinin egisak, ae nin kisi morapgwan egisak.

*Nin amin do but dasi galak tañ yomyom anpak abidan kimotneñ*

<sup>12</sup> Pin̄kop da ji kili manjiḡit da iyi dakon telagi miñat aminyo egakwa but dasi galak tañ damisak. Do ji anpak oden ban̄ yolek ani: Ji miñat aminyo kisi morap do bupmisi nandan̄ yomiñek yo tagisi an̄yomni. Ji d̄isi do nandaba pin̄akwa miñat aminyo anpak yaworisi an̄yomiñek but yaworon da jiḡi pani.

<sup>13</sup> Ae jikon amin di gat gen di ton̄ kan̄, but tobil ani do bikbik yomni. An̄ek yum p̄indagek diwarini yopman̄ yomni. Amin Tagi da diwarisi kili yopgut, do jiyo kisi notji dakon diwarini yopman̄ yomni.

<sup>14</sup> Ji amin do but dasi galak tañ yomni, nido un̄un anpak da anpak morap yapman̄ mudosok. Ae un̄un da anpak tagisi morap kisi jon̄ikban pi kalon̄i an̄.

<sup>15</sup> Yum kan̄akwa Kristo da but yawot damisak un̄un da nandak nandakji kila asak. Nido, Pin̄kop da ji iyi do manjinek butji yawori tan̄akwan giptim kalon̄i egipni do nandisak. Ae ji yo morap do Pin̄kop ya yan̄ iyini.

<sup>16</sup> Kristo dakon gen yipba butjikon tebai tosak. Ji kalon̄ kalon̄ notji yoyin̄det aba nandak nandak kilegi timigek anpak tagisi ban̄gin ani. Butjikon da Pin̄kop ya yan̄ iyini, ae Kap papiakon kap yoni, ae

Piŋkop gawak imim dakon kap yoni, ae Telagi Wup da kap paŋalon aŋ damisak unun yo kisi yoni.

<sup>17</sup> Ae gen morap yoni, ae pi morap anikon nin Amin Tagi Yesu dakon miŋat aminyo yaŋ nandanek ani. Anek Yesu da manon yo morap do Piŋkop ya yaŋ iyini.

*Pol da Yesu yolyol amin yuri kında niaŋ egipni do yagıt*

<sup>18</sup> Miŋat ji esi dakon gen nandanek guramitni. Nido, ji Amin Tagi dakon, ae aŋpak unun Piŋkop da dabilon kilegisi.

<sup>19</sup> Ae wili ji miŋatji but dasi galak taŋ yomiŋ kimotni, anek buri si yokwi toni da aripmon aŋpak yokwi dima aŋjomni.

<sup>20</sup> Ae miŋat monjiyo, ji meŋ datji dakon gen nandanek yo morapmon geni guramitni. Amin Tagi da unuden aŋpak yolni do galak tosok.

<sup>21</sup> Ae dat, ji monji gwayosi tebaisi yoyiŋba ji do nandaba yokwi tok di aŋ dabam. Yaŋ aba yo tagi di nin da aripmi dima aneŋ yaŋ di nandabam.

*Pol oman amin gat kila amin gat do yagıt*

<sup>22</sup> Oman monji, ji kila aminji dakon gen morap guramik kimotni. Nindaba tagisi asak yaŋ do anek kapmat egek dandisak bisapmon pi tagisi di abam. Dima. Ji Amin Tagi do pasal imiŋek pi ani unun but dasi nandanek ani.

<sup>23</sup> Yo morap ani unun si teban taŋek ani. Amin dogin dima, Amin Tagi do pi aman yaŋ nandanek ani.

24 Disi nandan, don Amin Tagi da tomni damdisak. Tomni unun yo tagisi minjat amini do manjigit unun. Ji Kristo dakon pi monji ekwan, ae unun kila aminji egisak.

25 Amin morap gulusun an, unun gulusunni dakon tomni timitdan. Pinjkop da minjat amin morap dakon anpak kokwin ak do arip gin asak.

## 4

1 Kila amin, ji oman monjisi anpak tagisi ae kilegisi ban anyomni. Disi nandan, jiyi kisi oman monji egakwa Kila Aminji Kwen Kokup egisak.

### *Bisit tebai anek anpak kilegi anej*

2 Bisit agak unun tebaisi abidan kimotni. Anek bisit ani bisapmon si nandan kimagek Pinjkop ya yan iyini.

3 Pinjkop da ninyo kisi panpulugosak do bisit ani. Bisit iyinba Kristo dakon gen kalip pasili tagit unun yan tenjenonen do Pinjkop da kosit yipman nimjak. Nin geni antenjen ano minjat aminyo da dima galak tanek dam tebanon nepgwit.

4 Bisit aba geni unun nomansi yan tenjenoken. Pinjkop da yansi abendosi nandisak.

5 Ji panmuwukbi dima abi minjat aminyo gat egipni bisapmon nandak nandak tagisi ban yolek anpak kilegi an kimotni. Bisapmi bisapmi Kristo da miktimon anpak agit, unuden ak do tagap toni.

6 Bisapmi bisapmi gen tagisi minjat aminyo panpulugogi unun banjin yoni. Do gen di mibili

nandak do dayini bisapmon geni kobogi gen tagisi ban yoyini.

*Pol da Tikikus gat Onesimus gat yabekban Kolosi kigimal*

<sup>7</sup> Tikikus da nak da egip egip morap asat unun dayikdisak. Tikikus unun notninsi, ae pi isalnin, ae Amin Tagi dakon oman amini tagisi.

<sup>8</sup> Nin nian ekwaman dakon geni dayinban nandani, ae ji dakon but panjeban asak, mibili yan do anek jikon yabekgo kigit.

<sup>9</sup> Nak Onesimus yabekgo Tikikus gat kigimal. Onesimus unun notnin tagisi. Unun pi do but dasi nandanek an kimokdok. Unun ji da kabikon amin kindi. Unun bamot da yo morap idon noman tawit unun do dayikdamal.

*Pol da gildatni tagi Kolosi amin do yipban kigit*

<sup>10</sup> Aristakus, unun nak gat kisi dam tebanon ekwamak. Unun da gildat tagi yan dayisak. Ae Mak, Banabas dakon nugi, ununyo kisi gildatni tagi yan dayisak. (Nak Mak do gen kili yipbo nandawit. Gen unun yan: jikon apban kan, but galagon da abidoni.)

<sup>11</sup> Ae amin kindi Yesu, amin da Jastus yan iyan, ununyo kisi gildat tagi yan dayisak. Israel amin kabikon unun amin kabi dagin nak gat pi anek Pinjop dakon amin kila agakni teban tosak do pi aman. Unun amin da butno tagisi anteban an.

<sup>12</sup> Epapras da gildat tagi yan dayisak. Unun ji da kabikon amin kindi, ae Yesu Kristo dakon oman

amin. Ji da Pinƙop dakon galaktok morap nandaba pi saɲek tebai atni do bisapmi bisapmi bisit tebai asak.

<sup>13</sup> Yaɲsi dayisat, uɲun da ji gat ae paɲmuwukbi morap kokup pap Laodisia ekwan gat ae Irapolis kokup papmon ekwan uɲun paɲpulugok do pi madepsi asak.

<sup>14</sup> Luk, wuda wamaknin uɲun but dasi galak taɲ imaman, uɲun gat ae Demas gat da gildat tagi yaɲ dayamal.

<sup>15</sup> Laodisia kokup papmon paɲmuwukbi ekwan uɲun gildatno tagi yoyini. Ae Nimpa gat ae paɲmuwukbi morap uɲun miɲat da yutnon muwukgaɲ uɲunyo kisi gildatno tagi yoyini.

<sup>16</sup> Ji papia on manjɲek Laodisia paɲmuwukbi do yipba kwan uɲunyo kisi da manjini. Ae papia Laodisia do yipbo kigit, uɲunyo kisi ji da tagi manjini.

<sup>17</sup> Aɲek Akipus yaɲ iyini, “Gak Amin Tagikon pi abidagil uɲun kilani tagisi aɲek pi uɲun tagisi abi.”

<sup>18</sup> Nak Pol da naga gildat tagi on mandisat. Dam tebanon sigin egisat, do dima iɲtaɲ namni. Pinƙop dakon nandan yawotni jikon tosak.



**PIN<sup>K</sup>OP GEN**  
**The New Testament and Psalms in the Yopno Language**  
**of Papua New Guinea**  
**Nupela Testamen na Buk Song long tokples Yopno long**  
**Niugini**

copyright © 2010 Wycliffe Bible Translators, Inc.

Language: Yopno

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-01-09

---

PDF generated using Haiola and XeLaTeX on 1 Oct 2024 from source files dated 31 Aug 2023

b683ce50-d820-5bfc-8471-d8ee080be106